

# ՏԵՂԵԿԱՏՈՒ

**ԴԵԳԻԵԳԱԾՍ**


**ديجيجادو**

Հրատարակություն Գանիթի Հ.Բ.Ը.Մ.ի

نشرة جمعية القاهرة الخيرية الأرمنية العامة

ՈՉ ԵՒՍ Է

ԱԼԵՔ ՄԱՆՈՒԿԵԱՆ



ՀԱՅԱՍՏԱՆԻ ՓՈՔՐԻԿ  
ԵՐԳԻՉՆԵՐՈՒ ԱՅՅԸ  
ԵԳԻՊՏՈՍ

# ՏԵԼԵՍՏԻ

Պարբերաբեր  
Պաշտոնաթերթ Գահիրեի  
Հայկական Բարեգործական Ընդհանուր Միության  
Հեռ. 5919636

# DEGHEGADOU

Periodical  
Published by  
Armenian General Benevolent Union - Cairo  
Tel. 5919636

# ديجيجادو

تشرية دورية  
جمعية القاهرة الخيرية الأرمنية العامة  
ت : ٥٩١٩٦٣٦

## ՊԱՏԱՍԽԱՆԱՏՈՒ ԽՄԲԱԳԻՐ

Պերճ Թերզեան

## ԽՄԲԱԳԻՐ

Հարի Չէչճէնեան

## ԽՄԲԱԳՐԱԿԱՆ ԿԱԶՄ

Սաթենիկ Արզարեան

Արաքսի Տէրունեան-Խաչերեան

Պրիժիթ Գալլանեան

## ԳԵՂԱՐՈՒԵՍՏԱԿԱՆ ՁԵՒԱՒՈՐՈՒՄ

Ռաֆֆի Չէչճէնեան

## ՀԱՄԱԿԱՐԳՉԱՅԻՆ ՇԱՐՈՒԱԾՔ

Մանուէլ Գրիգորեան

## ՏՊԱԳՐՈՒԹԻՒՆ

دار نوبار للطباعة

Նուպար Տպագրական Տուն  
Nubar Printing House

Թիի 1 Նոր Շրջան ՀՈԿՏԵՄԲԵՐ 1996

## ԲՈՎԱՆԴԱԿՈՒԹԻՒՆ

Խմբագրական ----- 1

Հ.Բ.Ը.Մ.ի 90 ամեակ ----- 2

Հայաստանի Փոքրիկ Երգիչներու Այցը ----- 4

Սաթենիկ Արզարեան

Հ.Բ.Ը.Մ.ի ամեակները Գահիրեի մէջ ----- 6

Արաքսի Տէրունեան-Խաչերեան

Ոչ եւս է Ալեք Մանուկեան ----- 9

Ալեք Մանուկեան Մարդը Դարուն Մէջ ----- 13

Երուանդ Ազատեան

Սաթենիկ Ճ. Չագըր Թղթածրար ----- 15

Փոքրիկներու Թանգարան ----- 18

Սուի Յակոբեան

Լուրեր Հ.Բ.Ը.Մ.էն ----- 19

Մարզական ----- 20

Անդամագրական ----- 24



# ՏԵՂԵԿԱՏՈՒՆ

## ԴԱՐՁԵԱԿ ՊԱՏՆԷՇԻ ՎՐԱՅ

Հ.Բ.Ը.Մ.ի Եգիպտոսի շրջանակի պարբերաթերթը՝ «Տեղեկատու»ն, տասնըհինգ տարուան ակամայ դադարէ մը յետոյ, դարձեալ պատնէշի վրայ է:

Արդարեւ 1981-ին լոյս տեսած «Տեղեկատու»ի վերջին թիւը, կ'անդրադառնար Միութեան 75-ամեակի հանդիսութիւններուն, որոնք այդ թուականին կը սկսէին, Հ.Բ.Ը.Մ.ի ծննդավայր Եգիպտոսէն, ի ներկայութեան Միութեան ցկեանս նախագահ Ալէք Մանուկեանի եւ իր շքախումբին, որուն մէջ կը գտնուէին Միութեան Կեդրոնական Վարչական Ժողովի բազմաթիւ անդամներ, ինչպէս նաեւ Միութեան հաւատարմներ որոնք եկած էին հեռուոր Միացեալ Նահանգներէն, բուրգերու երկրէն սկսելու հայկական ամենամեծ միութեան 75 ամեակի տօնակատարութիւնները:

Ապա, ցկեանս նախագահը իր շքախումբին հետ կը մեկնէր Փարիզ, մասնակցելու լոյսի քաղաքի յրբեւեանական տօնակատարութիւններուն, հուսկ ուրեմն հասնելու Միացեալ Նահանգներ, ուր եւս փառաբերող կերպով կը տօնուէր Միութեան , 75ամեակը:

«Տեղեկատու»ն 15 տարի առաջ կը դադրէր, պետական միջամտութեամբ, քանի որ շրջանէ մը ի վեր, տպագրական թէ խմբագրական դժուարութիւններու պատճառով, թերթը կանոնաւոր պարբերականութեամբ լոյս չէր տեսներ: Պարտադիր ձմեռնաքունէ մը յետոյ, «Տեղեկատու»ն այսօր կը վերադառնայ ստանձնելու իր աւանդական դերը, դառնալով խօսափողը Գահիրէի Հ.Բ.Ը.Մ.ին եւ ընդհանրապէս Հ.Բ.Ը.Մ.ի Եգիպտոսի շրջանակին:

«Տեղեկատու»ն ըլլալով միութեանական պարբերաթերթ մը, կոչուած է, նախ՝ իր անդամներուն եւ ապա, եգիպտահայ հասարակութեան լայն տեղեկութիւններ փոխանցելու, մասնաւորաբար Եգիպտոսի Հ.Բ.Ը.Մ.ին՝ ինչպէս նաեւ, Հ.Բ.Ը.Մ.ի աշխարհատարած գործունէութեան մասին, հայկական գաղթօճախներու թէ հայրենիքի մէջ:

1996-ին Եգիպտոսի մէջ հրատարակուած մամուլ նոր օրէնքին ընձեռած դիրքիւններէն օգտուելով, Հ.Բ.Ը.Մ.ի տեսլականով եւ դերով համոզուած երիտասարդներ, իրենց գործակիցներուն հետ, համախումբ պատասխանատուութիւնը վերցուցած են, թերթը կանոնաւոր պարբերականութեամբ լոյս ընծայելու:

Գահիրէի Հ.Բ.Ը.Մ.ին վստահուած Սաթենիկ Ժանիկ Զագրը նուիրատուութեան ստեղծած նիւթական լայն կարելիութիւնները, վստահաբար պիտի ընդարձակեն Միութեան Եգիպտոսի գործունէութեան ծիրը եւ առիթ պիտի ընծայեն իրականացնելու ցարդ անկարելի թուող ծրագիրներ:

«Տեղեկատու»ն պիտի հանդիսանայ հաւատարիմ արձագանգողը ակնկալուած այդ գործունէութեան:

Բարի վերադարձ եւ յաջող երթ վերընձիղած «Տեղեկատու»ին:

## Հ.Բ.Ը.Մ.ի 90 ԱՄԵԱԿԻ ՏՕՆԱԿԱՏԱՐՈՒԹԻՒՆԸ ԳԱՀԻՐԷ

Կիրակի 12 Մայիս 1996-ին Նուպարեան Ազգային վարժարանի Պլըքտանեան հանդիսասրահին մէջ Գահիրէի Հ.Բ.Ը.Մ.ի կազմակերպութեամբ եւ եգիպտահայ յարանուանութեանց հոգեւոր պետերուն հովանաւորութեամբ ու ներկայութեամբ տեղի ունեցաւ Հ.Բ.Ը.Մ.ի 90-ամեակի Յոբելեանական հանդիսութիւնը եւ վերջանանքու վկայականներու տուչութիւնը:

Հանդիսութեան ներկայ էին նաեւ Հ.Հ. արտակարգ լիազօր դեսպան Ն.Գ. Դոկտ. Էտ. Նալպանտեան եւ տիկինը:

Ձեռնարկին հանդիսավարն էր տիկին Կասիա Ճալեան:

Օրուան բանախօսն էր Պէշրութէն յատկապէս հրաւիրուած Պր. Ժիրայր Դանիէլեան՝ տնօրէն Հ.Բ.Ը.Մ.ի Յովակիմեան-Մանուկեան վարժարանի:

Վերջանանքու կողմէ խօսք ատաւ Կոկանեան



Սրահի ցկեանն նախագահ ար. Կ. Եազընեան:

Գեղարուեստական բաժնին մէջ ելոյթ ունեցան Հայաստանէն մասնաւորապէս հրաւիրուած՝ «Հայաստանի Փոքրիկ Երգիչներ» երգչախումբը ղեկավարութեամբ Տիգրան Հէքէքեանի որ խորապէս տպաւորեց ներկայ հասարակութիւնը:





**Հ.Բ.Ը.Մ.ի 90-ԱՄԵԱԿԻ ԱՌԹԻԻ ԵԳԻՊՏՈՍԻ ՄԷՋ Հ.Հ. ԴԵՍՊԱՆՈՒԹԵՆԷՆ  
ՍՏԱՑՈՒԱԾ ԸՆՈՐՀԱԻՈՐԱԳԻՐԸ**

12 Մայիս 1996

Մեծարգոյ Պարոն Թերզեան,

Յանձինս Ձեզ սրտանց շնորհատրում եմ Հ.Բ.Ը.Մ. Գահիրէի մասնաճիւղի բոլոր երախտատրներին՝ Հ.Բ.Ը.Մ. հիմնադրման 90-ամեայ պանծալի յրբելեանի առթիւ:

Անցած տասնամեակների ընթացքում Ձեր կազմակերպութիւնն անխոնջ ծառայել է աշխարհով մէկ սփռուած հայութեան ամենօրեայ հոգան ու տառապանքը փարատելու, ազգային մշակոյթն ու հոգեւոր արժէքները պահպանելու, նոր սերունդների համար հայեցի կրթութիւն ապահովելու նուիրական գործին:

Այժմ էլ, հաւատարիմ իր հայրենասիրական սկզբունքներին՝ Հ.Բ.Ը.Մ.ը իր անդամների խանդավառութիւնն ու եռանդն ուղղել է Հայոց նորանկախ պետութեանն այլազան աջակցութիւն ցուցաբերելուն:

Դրա վառ օրինակն է այն հրաշակերտ դեսպանատունը, որ Գահիրէի Բարեգործականի ջանքերով Հայաստանն ունեցաւ Եգիպտոսի մայրաքաղաքում:

Յանկանում եմ բոլոր Հ.Բ.Ը.Մ.ականներին եւ մասնատրապէս Եգիպտոսի շրջանակային կազմակերպութեան անդամներին, որոնց հետ մեզ կապում է ամենօրեայ համատեղ աշխատանքը, երկար տարիների արգասաբեր գործունէութիւն ի նպաստ հայ ժողովրդի բոլոր հատուածների բարօրութեան:

Խորին յարգանքով՝  
Է. ՆԱԼՊԱՆՏԵԱՆ

«Հայաստանի Փոքրիկ Երգիչներու» ելոյթէն առաջ վերերանութեան վկայական ստացան հետեւեալ անդամները

- Տիկիներ Սիլվա Բլատեան
- Ալիս Գայսէրլեան
- Աննա Գասապեան
- Ալիս Գարանֆիլեան
- Ժագլին Փարթամեան
- օրիորդներ Արփի Գալընեան
- Իրիս Գայսէրլեան
- Նայիրի Համբիկեան:
- Պպ. Եղուարդ Աւագեան
- Բիզանդ Բրուտեան
- Ալպէո Գալընեան,
- Խորէն Գալընեան
- Տոքթ. Էտուար Գասապեան

- Պպ. Եագընեան Կարապետ
- Գէորգ Էքսերնեան
- Գէորգ Իրատեան
- Արա Ծանիկեան
- Օհան Ծանիկեան
- Աւետիս Մովսէսեան
- Յովսէփ Մովսէսեան
- Պետրոս Մովսէսեան
- Տոքթ. Տիգրան Յովակիմեան
- Պր. Յովհաննէս Պալթաեան

եւ հնագոյն անդամների եւ եռակի վերերան Տիկին Շաքէ Երզնկացեան:

ՍԱԹՕ ԱԲԳԱՐԵԱՆ



## ՀԱՅԱՍՏԱՆԻ ՓՈՔՐԻԿ ԵՐԳԻՉՆԵՐՈՒ ԱՅՅԸ ԵԳԻՊՏՈՍ



Կիրակի, 12 Մայիսին, Պլըքտանեան սրահէն ներս, Հ.Բ.Ը.Միութեան հիմնադրութեան 90-րդ տարեդարձի հանդիսութեանը ընթացքին, ներկաները բախտաւորութիւնը ունեցան վայելել «ՀԱՅԱՍՏԱՆԻ ՓՈՔՐԻԿ ԵՐԳԻՉՆԵՐ» երգչախումբի բարձրարուեստ ելոյթը, որ իր ինքնատիպ մատուցումով ու նրբազգաց կատարողութեամբ կրցած էր մագնիսացնել ու հոգեպարարել ներկաները:

Եւրոպայի, Ամերիկեան Միացեալ Նահանգներու, եւ այլ երկիրներու բնամասրթակներուն վրայ մեծ յաջողութիւններ արձանագրած եւ մրցանակներու արժանացած այս երգչախումբը, ընդառաջած էր Գահիրէի Հ.Բ.Ը.Միութեան հրաւերին, մասնակցելու Միութեան 90-ամեակի հանդիսութեանը, եւ մէկ շաբաթով ժամանած էր Եգիպտոսի հիւրընկալ ասփերուն վրայ: Փոքրիկ երգիչներու եւ իրենց գեղարուեստական ղեկավար Պրն. Տիգրան Հէքէքեանի առաջին պաշտօնական այցելութիւնը եղաւ, Գահիրէի գեղակերտ հայկական եկեղեցին, որ մասնակցեցան բարերարուհի Սաթենիկ Ծանիկ Չագրիի մահուան 14րդ տարելիցի հոգեհանգստին:

Անոնք շարականներէն հատուածներ երգեցին այնպիսի խոր զգացողութեամբ, ու տրամադրութեան գիտակցութեամբ, որ կրցան թափանցել ներկաներու

հոգեկան ծալքերը, անոնց մէջ արթնցնելով սերը դէպի ազնուագոյնն ու վեհագոյնը:

Հոգեհանգիստէն ետք Հ.Փ.Ե.-ը եւ իրենց ղեկավարները այցելեցին ազգային առաջնորդարանը ուր ծանօթացան Սրբազան հօր եւ ազգային իշխանութեան ներկայացուցիչներուն հետ, ապա ուղևեցան Հ.Մ.Ը.Մ. ՆՈՒՊԱՐ:

Այնտեղ, ճաշի ընթացքին տեղի ունեցաւ փոխծանօթացում խումբին ու Միութեանս ղեկավարներուն եւ անդամներուն միջեւ: Ուշագրաւ էր պատանհներուն հասունութիւնն ու կարգապահութիւնը:

Նոյն օրը երեկոյեան, Պլըքտանեան սրահի յաջող ելոյթէն ետք, Փոքրիկ Երգիչները, ընդունելութեամբ մը հիւրասիրութեան Կոկանեան սրահէն ներս, ուր ընթրիքը վերածուեցաւ խրախճանքի եւ պատանհները մեծ խանդավառութեամբ ու ուրախութեամբ, պարեցին ու ցատկեցին մինչեւ առաւօտեան ժամը 2:00-ը:

Յաջորդող օրերուն, պատանհները մեծ խանդավառութեամբ այցելեցին Գահիրէի տեսարժան վայրերը՝ Փարսոնական գիւղը, Սալահ Էլ Տիհի միջնաբերդը, Գահիրէի եգիպտական թանգարանը, բուրգերը եւ սփինքսը, ինչպէս նաեւ զբօսանաւով պտտեցան Նեղոսի մէջ անմուսնալի յիշատակներով հարստացնելով իրենց ներաշխարհը:



Հ.Փ.Ե.Ն առիթը ունեցան երկու օրով այցելելու Աղեքսանդրիա եւ ծանօթանալու Աղեքսանդրահայ գաղութին:

Անոնք Չորեքշաբթի երեկոյեան ընթրիքով մը հիւրասիրուեցան Յառաջդիմասէր սրահէն ներս, ապա յաջորդ օրը ելոյթ մը ունեցան Բիբլիոթեքա Աղեքսանդրիան սրահէն ներս:

Հ.Փ.Ե.Ն ելոյթէն ետք ընդունելութեամբ մը պատուասիրուեցան Տիգրան Երկաթ սրահէն ներս:

ներկայացուցիչներ, եկած էին ունկնդրելու Հ.Փ.Ե. երգչախումբը:

Ան հանդէս եկաւ բժախնդրորէն պատրաստուած յայտագրով մը, որ կը պարունակէր հայ եւ օտար դասական երաժշտութենէ կտորներ, եկեղեցական երգեր, հայ երաժշտագէտներու գործեր, նոր մեկնաբանութեամբ հայ ժողովրդային երգեր եւ ճազ երաժշտութենէ երգեր:

Ելոյթը եզրափակուեցաւ, երգչախումբի անդամներէն



Ուրբաթ առաւօտ, պատանիները այցելեցին Աղեքսանդրիոյ տեսարժան վայրերը, ՄՈՒՆԴԱԶԱ-ի պալատը, կէսօրին Հ.Մ.Ը.Մ. ՆՈՒՊԱՐԻ սրահը ու ճաշելէ ետք, յոգնած վերադարձան: Խիտ յայտագրով ծանրաբեռնուած յիշատակելի եօթ օրերէ ետք, փոքրիկ երգիչները կը պատրաստուէին հրաժեշտ տալ փարաւոններու երկիրին, Եգիպտոսի հանրապետութեան նախագահին տիկնոջ Տիկին Սիւզան Մուպարաֆի բարձր հովանաւորութիւնը վայելով եզրափակիչ ելոյթով մը, համատեղ կազմակերպութեամբ Հ.Հ.ի Գահիրէի դեսպանութեան եւ պետական Օրերայի Տնօրէնութեան, որ տեղի ունեցաւ Պետական Օրերայի մեծ դահլիճին մէջ:

Աւելի քան 1200 հայ եւ օտար հանդիսատեսներ, դեսպաններ, դեսպանատներու

մէկուն յօրհնած, խաղաղութեան նուիրուած երգով որ խաղաղութիւն կը ցանկար աշխարհի բոլոր մասնակներուն:

Փշաքաղուած էին ներկաներու մարմինները, պահ մը լռութենէ ետք դահլիճը թնդաց ջերմ ծափահարութիւններով, ղեկավարն ու իր խումբը արժանացան բացառիկ գնահատանքներու, հանրութիւնը չէր ուզեր դուրս գալ դահլիճէն:

Այսպիսով արարուեցաւ ելոյթը, արարուեցաւ նաեւ Փոքրիկ երգիչներու այցը Եգիպտոս: Դժուար էր հրաժեշտ տալ այս հրաշալի պատանիներուն: Փոքրիկները ուղղուեցան Հայ Գեղարուեստասիրաց Միութեան սրահը, ուր պատուասիրուեցան ընթրիքով մը ու հրաժեշտ տալով մեկնեցան անմոռանալի տպաւորութիւններ ձգելով Եգիպտոսահայութեան հոգիներուն մէջ:

Ա.Ա.



# Հ.Բ.Ը.Մ.Ի ԱՄԵԱԿՆԵՐԸ ԳԱՀԻՐԷԻ ՄԷՋ



## Հնգամեակի Տօնակատարություն

Թուական՝ Ապրիլ 22, 1911  
Ժամ՝ Կ.ե. 3  
Ձեռնարկ՝ դաշտահանդէս  
Վայր՝ «Ambassadeur»

"Այժմ «Անտալուզեան Պարտէզներ»  
ամառնային բացօթեայ թատրոնին  
մէջ ուր կար մնայուն բեմ, ընդարձակ  
լսարան, քարաշէն օթեակներ եւ  
յարակից պարտէզներ:

Ընտրանի Եգիպտահայոց Առաջնորդը՝  
Ներկաներ՝ Աղանունի Սրբազան  
Միութեան Նախագահը՝  
Պօղոս Նուպար Փաշա  
Միութեան վարիչ-պատուիրակ  
Վահան Մալեգեան,  
գրագետ Ա. Շաքըլեան,  
ազգային գործիչ Միհրան Տամատեան  
եւ Միհրան Ղազարոսեան:

Թիւ ներկաներու՝ Յոգնախումբն բազմութիւն:

Յայտագիր 1.Մրցական խաղեր Գալուստեան  
Ազգային Վարժարանի աշակերտներուն  
կողմէ:  
2.Տողանցք եւ խմբապարեր  
Գալուստեան Մանկապարտէզի  
աղջիկներուն կողմէ:  
3.Յակոբ Պարոնեանի «Պաղտասար  
Աղբար» ի առաջին արարի  
ներկայացումը :



Հիւր՝ Կոմիտաս Վարդապետ  
«եկած էր Եգիպտոս "Մանթաշօֆ"  
քարիւղի ընկերութեան Ընդհանուր  
գործակատար՝ Յովհաննէս  
Մութաֆեանի մասնաւոր հրաւերով:  
Հնգամեակի կազմակերպիչ մարմինը  
Վահան Մալեգեանի իմաստուն  
թելադրութեամբ կը հրահրէ զինք  
Գահիրէ ներկայ ըլլալու  
հանդիսութեան»:  
'Ժողովուրդին կողմէ արտայայտուած  
փափաքին տեղի տալով"Կոմիտաս  
կ'երգէ հետեւեալ երգերը.- «Ձայն  
Տուր Ով Ծովակ» եւ «Կոունկ»:

Բանախօս՝ Երուանդ Աղաթօն, Կեդրոնական  
Վարչական Ժողովի փոխ ատենապետ

Հանդիսութիւնէն ետք,  
Բաժականառ, Միհրան Ղազարոսեան,  
բաժակ կառաջարկէ Կոմիտասի կենացը եւ որը  
«կը խմուի կատարեալ ներդաշնակութեամբ»  
որմէ ետք՝ խաղ եւ պարահանդէս նոյն վայրին  
մէջ:

Տես՝ Յակոբեան, Մօ Եղուարդ, «Կոմիտաս Վարդապետ ՀԲԸՄ-  
ի Հնգամեակի Հանդէսին», Տեղեկատու, ԺԹ-տարի "Յուլիս  
1976- Դեկտեմբեր 1977" Գահիրէ, ՀԲԸՄ:



### Յիսնամեակի Տօնակատարութիւն

Թուական՝ 26 Փետրուար 1956  
 Ժամ՝ կ.վ. 6.30  
 Զեռնարկ՝ Թէյասեղան - Հաւաքոյթ  
 Վայր՝ Heliopolis Palace Hotel-ի  
 շքեղաշուք սրահը 'Ներկայ  
 Նախագահական Պալատը" :

Ընտրանի Հայ Կրօնական Պետեր, Գերշ. Տէր  
 Ներկաներ՝ Մամբրէ Արք. Սիրունեան  
 Հայր Յակոբ Ծ. Վ. Կիրակոսեան  
 Վեր. Հ. Համբարձումեան  
 Ազգային իշխանութեան  
 ներկայացուցիչներ, հին վերերան  
 անդամներ, վարչութեան անդամներ,  
 մշակութային, մարզական եւ  
 բարեսիրական բոլոր կազմ-  
 կերպութիւններու:  
 Մամուլի ներկայացուցիչներ:

Թիւ Ներկաներու՝ 650 հայրենակիցներ:

Հիւր՝ Ազգընտիր Ընդհանրական Հայրապետ՝  
 Ն.Ս.Օ.Տ.Տ. Վազգէն Ա. եւ իր  
 շքախումբը:

- Յայտագիր 1-Եգիպտական եւ ՀԲԸՄ քայլերգներու  
 կատարում:  
 2-Թէյի սպասարկութիւն միութեան  
 մարզական յանձնախումբին անդամ-  
 անդամուհիներուն կողմէ:  
 3-Բացման խօսք՝ Տօքթ. Խաչիկ  
 Սողիկեան, ատենապետ ՀԲԸՄ-ի  
 Եգիպտոսի Կեդրոնական Յանձնաժողովի:  
 4-Հանդիսավար Վարդգէս  
 Գարտաշեան :  
 5-Խօսք հին վերերաններու կողմէ՝  
 երաժիշտ Տիգրան Զէյթունցեան  
 6-Խօսք Նոր վերերաններու կողմէ՝

Երուանդ Տրենց-Մարգարեան  
 Նախագահ Հայ Մշակոյթի  
 Բարեկամներու Մարմնի:

7-Մեներգ՝ Գրիգոր Փարթամեան է,  
 Մերանկիլեանի «Երգիչը», Սաթեանի  
 «Թոչէի Մտքով Տուն» եւ  
 Սայաթ Նովայի «Պլպուլը» եւ  
 վեհափառին փափաքին վրայ  
 դարձեալ Սայաթ Նովայէն կտոր մը  
 մեներգ:

Աննա Նշանեան՝ «Հայրենի Գիւղը»  
 եւ «Հերոսական» դաշնակի  
 ընկերակցութեամբ Տիկին  
 Զապէլ Գլընեանի:

8-Արտասանութիւն՝ Մանուշ  
 Թերգիպաշեան (այժմ Չոփուրեան)  
 Վահան Թէքէեանի «Եկեղեցին  
 Հայկական»։ Արտասանութիւն՝  
 Օննիկ Գալուստեան՝ Յովհաննէս  
 Թումանեանի «Աղանու Վանքը»:

9-Խօսք Ալեքսանդր Սարուխան,  
 փոխ ատենապետ ՀԲԸՄ-ի Գահիրէի  
 մասնաժողովին:



Այս առթիւ յարգելի փոխ  
 ատենապետը կը թելադրէ որ  
 գաղութին անդամները իրենց  
 զաւակները, թոռները, բոլոր  
 պարագաները անդամագրեն  
 միութեան:

10-Դաշնակ՝ Օր. Աստրա Մարլեան,  
 Արամ Խաչատուրեանի «Թոքաթան»:



11- Խօսք Կաթողիկե եւ Աւետարանական հոգեւոր պետերու կողմէ:

12- Ապա, Գերշ. Տէր Մամբրէ Ա. Արք. Սիրունեանի խնդրանքին վրայ խօսք կ'առնէ Վեհափառը եւ փափաք կը յայտնէ միութեան անդամացանկին վրայ իր անունն ալ գրուած տեսնել: Խանդավառ յոռնկայս խլացուցիչ ծափահարութիւն:

Վեհափառը անդամ կարճանագրուի Գահիրէի Հ.Բ.Ը.Մ.ին:

13- Վեհափառը իր հայրական օրհնութիւնը տալէ ետք պահպանիչով կը փակէ հանդիսութիւնը:

Վերջերան- 33 որոնք իրենց վերջերանութեան ներու թի՛ վկայագիրները կը ստանային Վեհափառ Հայրապետէն:

Տես՝ Ա. Ծալճեան, «ՀԲԸՄ Թէյստեղան-Հաւաքոյթը», Տեղեկատու, 1956 էջ 25-29:



**Իննիսունամեակի Տօնակատարութիւն**

Թուական՝ Մայիս 19, 1996  
 Ժամ՝ 8.00  
 Վայր՝ Հելիոպոլսոյ Նուպարեան Վարժարանի Պրըքտանեան Սրահ

Ընտրանի Կրօնական պետեր Առաքելական եւ Ներկաներ՝ Կաթողիկե համայնքներու Գերշ. Տէր Զաւէն Արք. Զինչիներեան Գերապայծառ Տէր Պետրոս Արք. Թարմունի: ՀՀ դեսպան՝ Էտուար Նալպանտեան եւ տիկինը: Կազմակերպութեանց վարչական անդամներ:

Թի՛ ներկաներու՝ 300

Յայտագիր Ազգային քայլերգ՝ Եգիպտոսի եւ Հայաստանի:

Բացման խօսք հանդիսավար Կասիա Ծրղայեանէ անդամ ՀԲԸՄ Եգիպտոսի Երջանակային Ժողովի:

Խօսք Նոր վերջերաններու կողմէ՝ Կարպիս Եազընեան, Ատենապետ Հայ Ազգային Հիմնադրամի եւ ցկեանս նախագահ Կոկանեան Սրահի: Թի՛ վերջերաններու՝ 33 որոնք իրենց վկայագիրները կը ստանան պատմութեան մէջ առաջին անգամ ըլլալով ՀՀ դեսպանին, հոգեւոր պետերու, ՀԲԸՄ ատենապետին եւ փոխ ատենապետներուն կողմէ: Օրուայ պատգամախօս՝ Ժիրայր Դանիէլեան, Տնօրէն ՀԲԸՄ Յովակիմեան Մանուկեան վարժարանի, Պէյրոթ:

Երգչախմբային ելոյթ՝ «Հայաստան Փոքրիկ Երգիչներ» երգչախումբին կողմէ, յատկապէս հրաւիրուած հայրենիքէն, դեկավարութեամբ՝ խմբավար Տիգրան Հէքէքեանի 40 փոքրիկներ կը կատարեն 20 երգեր հայկական եւ միջազգային երգացանկով:

Ծնորհակալական խօսք՝ Պր Պերն Թէրզեան, ատենապետ Հ.Բ.Ը.Մ.ի Փակման աղօթք՝ հոգեւոր պետեր: Ընդունելութիւն-ճաշ Կոկանեան Սրահի մէջ ի պատիւ երգչախումբին եւ պատուոյ հիւրերուն:

\*\*\*

Ի՞նչ եզրակացութեան կը հասնիք երբ բաղդատութեան դնէք այս երեք հանդիսութիւնները:

Ո՞ր մէկը պիտի նախընտրէք: Ո՞ր շրջանին պիտի ուզէիք ապրած ըլլալ:

Համադրեց  
 Ա. Տէրունեան-Խաչերեան



# ՈՁ ԵՒՍ Է Հ.Բ.Ը.Մ.Ի ՊԱՏՈՒՈՅ ՑԿԵԱՆՍ ՆԱԽԱԳԱՀ ԵՒ ՀԱՄԱԶԳԱՅԻՆ ԲԱՐԵՐԱՐ ԱԼԵՔ ՄԱՆՈՒԿԵԱՆ

12 Յուլիսի առաւօտեան հասած հեռապատճեն մը, ուղղուած Գահիրէի Հ.Բ.Ը.Մ.Ի վարչութեան, կը գովէր Հ.Բ.Ը.Մ.Ի Ցկեանս Պատուոյ նախագահ Ալեք Մանուկեանի մահը:

Ստորեւ կուտանք ստացուած վերոյիշեալ հեռապատճենին բովանդակութիւնը, ինչպէս նաեւ Հ.Բ.Ը.Մ.Ի Եգիպտոսի շրջանակին զանազան մարմիններուն կողմէ այս տխուր առթիւ ղրկուած ցաւակցական հեռապատճենները:

## ՅՈՒՂԱՐԿԱԻՈՐՈՒԹԻՒՆ ԱԼԵՔ ՄԱՆՈՒԿԵԱՆԻ

Տեղի ունեցաւ 18 Յուլիս 1996ին Տիթրոյիթի Ա. Յովհաննէս եկեղեցիին մէջ, Ն.Ս.Օ.Տ.Տ. Գարեգին Ա. Ամենայն Հայոց Հայրապետին նախագահութեամբ կողքին ունենալով՝ Արարատեան թեմի առաջնորդական փոխանորդը, Ա.Մ.Ն.Ի Արեւելեան եւ Արեւմտեան թեմերու ինչպէս նաեւ Գանատայի թեմակալ առաջնորդները. ներկայ էին նաեւ, Հ.Հ.Սահմանադրական Դատարանի նախագահ Գագիկ Յարութեանի գլխաւորութեամբ պետական պատուիրակութիւն մը եւ Միջիկընի նահանգի կառավարիչ՝ Շոն Ինգլոյր:

Արարողութենէն ետք եկեղեցիին սրահին մէջ տրուած հոգեճաշի ընթացքին խօսք առին տիկին Լուիզ Մանուկեան ապա Հ.Հ. պետական պատուիրակութեան նախագահ Գագիկ Յարութեանի կարդաց յանուն Հ.Հ. նախագահ Լեւոն Տէր Պետրոսեանի դամբանականը:

Վերջին խօսողը եղաւ Ռիչարտ Մանուկեան որ իր խօսքէն ետք կարդաց Ա.Մ.Ն. նախագահ Քլիմընի ցաւակցական հեռագիրը:

## ԱԼԵՔ ՄԱՆՈՒԿԵԱՆԻ ՄԱՀՈՒԱՆ

ԱՌԹԻԻ ՍՏԱՅՈՒԱԾ ՀԵՌԱՊԱՏԾԷՆ  
Պատուարժան Վարչութիւն Հ.Բ.Ը.Մ.Իութեան  
Սրտի խորունկ վիշտով կուգանք Ձեզի հաղորդելու թէ այսօր Չորեքշաբթի, Յուլիս 10-ին, երեկոյեան ժամը 10:00-ին խաղաղօրէն իր հոգին աւանդեց մեր հայրը՝ Ալեք Մանուկեան 95 տարեկանին: Տան կարգը տեղի պիտի ունենայ Չորեքշաբթի, Յուլիս 17, երեկոյեան ժամը 7-9ը, իսկ յուղարկաւորութիւնը Հինգշաբթի, Յուլիս 18, առաւօտեան ժամը 11:00-ին, Սուրբ Յովհաննէս Մկրտիչ եկեղեցւոյ մէջ, Սաութֆիլտ, Միչիկըն:

Լուիզ Մանուկեան Սիմոն

Ռիչըրտ Մանուկեան

Յուլիս 11, 1996



### ՅԱՆՈՒՆ ԵԳԻՊՏՈՍԻ Հ.Բ.Ը.Մ.Ի ՑԱԻԱԿՑԱԿԱՆ ՀԵՌԱՊԱՏԺԵՆԸ

Ազնուափայլ Տիկին Լուիզ Սիմոն  
Նախագահ Հ.Բ.Ը.Մ.Ի Նիւեորք.

Ազնուափայլ Տիկին, Սրտի անհուն կսկիծով տեղեկացանք մահուան գոյժը Հ.Բ.Ը.Մ.Ի պատուոյ  
ցկեանս նախագահ ողբացեալ Ալէք Մանուկեանի, որ իր կեանքի ամենաբեղուն շրջանին ստանձնեց  
մեր սիրելի Միութեան նախագահութիւնը եւ անսակարկօրէն շուայեց իր բարոյական եւ նիւթական  
օժանդակութիւնը, յօգուտ Միութեանս վսեմ նպատակներուն եւ ծրագիրներուն իրագործման:

Այս տխուր առիթով, կը փութանք յայտնել մեր զգացուած ցաւակցութիւնները Ձեզի, ինչպէս  
նաեւ Ձեր յարգարժան եղբօր՝ Պրն. Ռիչըրտ Մանուկեանին եւ համայն ընտանեկան պարագաներուն  
ու Բարեգործականի մեծ ընտանիքի անդամներուն, այս անփոխարինելի եւ ցաւալի կորուստին  
համար:

Թող Տէրը յաիտենական հանգիստ պարգեւէ իր յոգնաբեկ մարմնին եւ անասան պահէ  
Բարեգործականի ստանձնած բազմապիսի ծառայութիւնները, յօգուտ հայրենիքի եւ սփիւռքի  
հայրութեան անհամար կարիքներուն:

ի դիմաց

Հ.Բ.Ը.Մ.Ի Եգիպտոսի Շրջանակային  
եւ Տեղական Մարմիններու

Ատենապետ

Պերն Թէրզեան

Գահիրէ, 12 Յուլիս 1996

### ԱՂԵՔՍԱՆՂԻՐԻՈՅ Հ.Բ.Ը.Մ.Ի

### ՑԱԻԱԿՑԱԿԱՆ ՀԵՌԱՊԱՏԺԵՆԸ

Ազնուափայլ Տիկին Լուիզ Մանուկեան Սիմոն  
Մեծայարգ Տիար Ռիչըրտ Մանուկեան

Աղէքսանդրիոյ Հ.Բ.Ը.Մ.Իութեան վարչութեանս եւ  
անդամ-անդամորհներուն անունով, մեր վշտոտ սրտէն  
ցաւակցական գիրն է որ կ'ուղղեմ ձեզի, ձեր  
թանկագին հօր եւ Մեծ Միութեան սիրելի բարերար  
ցկեանս պատուոյ նախագահ ողբացեալ Ալէք  
Մանուկեանի մահուան առթիւ: Ողբացեալ բարերարին՝  
Ալէք Մանուկեանի մահը մեծ կորուստ մըն է ոչ  
միայն մեր Միութեան եւ սփիւռքահայրութեան այլեւ  
համայն հայրութեան եւ հայրենիքին: Իր կենդանութեան  
տարած ազգանուէր եւ նուիրեալ գործունէութիւնը  
լուսաւոր էջ մը կը թողու հայոց պատմութեան  
էջերուն մէջ, որ օրինակ կը հանդիսանայ սերունդներուն  
հետեւելու իր գործելակերպին ու նուիրումին:

Ի խորոց սրտէ կը բաղձանք բարձրեալն Աստուծմէ,  
որ ողորմէ եւ լուսաւորէ սիրելի հանգուցեալին հոգին:  
Իր յիշատակը յաւէտ անթառամ մնայ բոլորիս  
սրտերուն մէջ:

ի դիմաց

Աղէքսանդրիոյ Հ.Բ.Ը.Մ.Ի Վարչութեան  
Ատենապետ

Սարգիս Վարձպետեան

### Հ.Մ.Ը.Մ.-ՆՈՒՊԱՐ Հելիոպոլսոյ

### ակումբի ՑԱԻԱԿՑԱԿԱՆ

### ՀԵՌԱՊԱՏԺԵՆԸ

Յարգելի Պրն. Ռիչըրտ Մանուկեան  
Ազնուափայլ Տիկին Լուիզ Մանուկեան

Իր վիշտով տեղեկացանք ձեր հօր մահուան  
լուրը:

Ան ոչ միայն Հ.Բ.Ը.Մ.Ի անմոռանալի մեծ  
նախագահն էր այլ հայրը աշխարհի տարածքին  
բազմաազար հայ երիտասարդներուն, որոնց օգտակար  
կըլլար իր վեհանձնութեամբ եւ առատաձեռնութեամբ:

Ան բոլոր հայերու սրտին մէջ յաիտեանս պիտի  
ապրի:

Իր հոգին թող հանգչի անդենականի խաղաղութեան  
մէջ:

Հաճեցէք ընդունիլ մեր խոր ցաւակցութիւնները  
եւ մեր ակումբի վարչութեան անդամներուն եւ բոլոր  
անդամներուն կողմէ: Ի դիմաց

Հ.Մ.Ը.Մ.-ՆՈՒՊԱՐ Հելիոպոլսոյ ակումբի

Ատենապետ

Հրաչ Սիմոնեան



# ԱԼԵՔ ՄԱՆՈՒԿԵԱՆ

## ԿԵՆՏՐԱԳՐԱԿԱՆ ԳԻՃԵՐ



Ծնած է 1901-ին Իզմիրի Գասապա գիղը:  
Հայրը՝ Թագուր հացահատիկի եւ չամիչի  
վաճառական: Մայրը Թագուհի:

Հայկական երկրորդական վարժարանը ււարտել է  
ետք կ'աշխատի հօրը վաճառատան մէջ:

Իզմիրի մէջ թուրքերու թշնամութիւնը հայերու  
եւ յոյներու դէմ, կը մղէ զինք որ Իզմիրէն  
հեռանայ 1920-ին:

Միացեալ Նահանգներու կարգ մը նահանգներուն  
մէջ ապրել է ետք 1924-ին վերջնականապէս կը  
հաստատուի Տիթոնյոթ:

1929-ին կը հիմնէ պտուտակներ պատրաստող  
«Մաքօ» ընկերութիւնը:

1931-ին կ'ամուսնանայ օր. Մարի Թաթեանի հետ  
եւ կ'ունենայ երկու զաւակներ Լուիզ եւ Ռիչըրտ:

30-ական թուականներուն կանդամակցի Հ.Բ.Ը.Մ.ին:

1943-ին կ'ընտրուի Կեդրոնական վարչական  
Ժողովի անդամ:

1953-ին կ'ընտրուի Նախագահ Հ.Բ.Ը.Մ.ի

1970-ին ցկեանս Նախագահ Հ.Բ.Ը.Մ.ի

1980-ին Պատուակալ ցկեանս նախագահ, իրեն  
կը յաջորդէ իր դուստրը Լուիզ Մանուկեան Սիմոն:

1996-ին կը մահանայ Ա.Մ.Ն.ի մէջ:



**ԱԼԵՔ ՄԱՆՈՒԿԵԱՆԻ ԱՆՁՆԱԿԱՆ  
ՆՈՒՐԱՏՈՒՈՒԹԻՒՆԵՐԸ ԿԸ ՀԱՍՆԻՆ  
ՀԱՐԻՒՐ ՄԻԼԻՈՆ ՏՈԼԱՐԻ**

**ԱԼԵՔ ՄԱՆՈՒԿԵԱՆ ՀԻՄՆԱԾ Է**

- 1- Ալեք Մանուկեան Մշակութային Կեդրոն Փարիզ, Ֆրանսա:
- 2- Մարի Մանուկեան երկրորդական վարժարան եւ Միութեան Տուն Թեհրան, Իրան:
- 3- Ալեք Մանուկեան Մշակութային եւ Երիտասարդաց Կեդրոն Պէյրութ, Լիբանան:
- 4- Ալեք Մանուկեան Մշակութային եւ Երիտասարդաց Կեդրոն Զահլէ, Լիբանան:
- 5- Երուանդ Հիւսիսեան Սրահ Վալանս, Ֆրանսա:
- 6- Համայնքային Տուն - Ալմէլօ, Հոլանտա:
- 7- Ալեք Մանուկեան Մշակութային եւ Երիտասարդաց Կեդրոն Քորտուպա, Արժանթին:
- 8- Նուպարեան Նախակրթարան, Ալեք Մանուկեան երկրորդական վարժարան եւ Միասը Գոյումճեան մարզարան - Մոնթէվիտէօ, Ուրուկուէյ:
- 9- Հ.Բ.Ը.Մ.ի Կեդրոն - Սան Փաւլօ, Պրագիլիա:
- 10- Ալեք Մանուկեան - Արմէն Քէպէք վարժարան Մոնթրէալ, Քանատա:
- 11- Ալեք Մանուկեան Մշակութային եւ Երիտասարդաց Կեդրոն - Թորոնթօ, Քանատա:
- 12- Ալեք Մանուկեան Մշակութային եւ Երիտասարդաց Կեդրոն - Պուէնոս Այրէս, Արժանթին:
- 13- Կալուած մը Հ.Բ.Ը.Մ.ի համար:
- 14- Սուրբ Էջմիածնի փառահեղ թանգարանը:
- 15- Սուրբ Էջմիածնի նախկին Վեհարանին հիմնովին վերանորոգումը:
- 16- Ալեքսանտր Նախակրթարան Սիտնի, Աւստրալիա:
- 17- Ալեք Մանուկեան Մշակութային Կեդրոն Սիտնի, Աւստրալիա:



Վերի նկարին մէջ եղանկայիշատակ վեհափառ Ն.Ս.Տ.Տ. Վազգէ Ա. եւ Բարեբար

Ալեք Մանուկեան Էջմիածնայ թանգարանի բացումին :

**ԱԼԵՔ ՄԱՆՈՒԿԵԱՆ ՄՇԱԿՈՒԹԱՅԻՆ  
ՀԻՄՆԱԴՐԱՄԻՆ ԵՒ ԱԼԵՔ ԵՒ ՄԱՐԻ  
ՄԱՆՈՒԿԵԱՆ ՀԻՄՆԱԴԿՈՒԹԵԱՆ ՆԻԹԱԿԱՆ  
ՕԺԱՆԴԱԿՈՒԹԵԱՄԲ ԿԱՐԵԼԻ ԴԱՐՁԱՆ  
ՀԵՏԵՒԵԱԼ ԶԵՌՆԱՐԿՆԵՐԸ**

- 1- Ալեք Մանուկեան Ամենօրեայ Վարժարան Սաութփիլտ, Միչիկըն, ԱՄՆ:
- 2- Տիրոջ արուարձան Լիվոնտիայի մէջ "Հայ Տարեցներու Տուն" իր հօր՝ Թագուր եւ մօր Թագուհիի անունով:
- 3- Սաութփիլտի Ս. Յովհաննէս Մկրտիչ Եկեղեցի եւ եկեղեցու կից՝ թանգարան:
- 4- Նիւ Եորքի Հայոց Առաջնորդարանին եւ Ս. Վարդան Եկեղեցու կառուցման յատկացուցած է կէս միլիոն տոլար:
- 5- Երուսաղէմի Ս. Յակոբեանց Վանքին Ալեք եւ Մարի Մանուկեան Ժառանգարաց վարժարանը Մարի Մանուկեան Ժառանգարաց վարժարանը եւ ընծայարանը:
- 6- Ուէյն Համալսարանին մէջ շէնք մը, որ կոչուած է Ալեք Մանուկեան:

**ԱԼԵՔ ՄԱՆՈՒԿԵԱՆ ԱՐԺԱՆԱՑԱԾ Է**

- 1- Ս. Գրիգոր Լուսաւորիչ Ա. Կարգի Ծբանշահին:
- 2- Երուսաղէմի Պատրիարքութեան Ս. Յակոբայ Խաչին:
- 3- Հայաստանի Կառավարութեան 50-ամեակի Ծբանշահին:
- 4- Լիբանանի Հանրապետութեան Մայրիներու Ա. Կարգի Ծբանշահին:
- 5- Միչիկըն Լորընս Իսթիթիտ օֆ Թէքնոլոճիէն Պատուակալ տոբթորայի կոչումին:
- 6- Քանատայի Սէն Լորըն քաղաքի Սէն Կուստն փողոցը 1979-ին կոչուեցաւ "Ալեք Մանուկեան փողոց", որուն վրայ կը գտնուի Ալեք Մանուկեան վարժարանը:
- 7- Հայաստանի Հանրապետութեան "Հայաստանի Ազգային Հերոս" կոչումին եւ "Պատուոյ Քաղաքացիութիւն" 1995-ին:
- 8- 1989-ին տարիքի բերումով, հրաժարեցաւ Հ.Բ.Ը.Մ.-ի նախագահութենէն եւ Կեդրոնական Վարչական Ժողովին կողմէ արժանացաւ Հ.Բ.Ը.Մ.ի թիւեան Յիշատակ Պատուակալ Նախագահ տիտղոսին:



# ԱԼԵՔ ՄԱՆՈՒԿԵԱՆ ՄԱՐԴԸ՝ ԴԱՐՈՒՆ ՄԷջ

Երուանդ Ազատեան

Մարդիկ կան որոնք հազի կ'ապրին իրենց առօրեան, կը դառնան թի ու վիճակագրութիւն՝ բազմութիւններու մէջ ու կ'անհետանան ժամանակի յորձանքին հետ:

Մարդիկ կան որոնք կը բարձրանան իրենց անձէն եւ իրենց ներկայութեան շուքը կը թողուն իրենց անմիջական շրջապատին վրայ:

Ու դեռ կան մարդիկ որոնք կը բարձրանան իրենց անձէն, շրջապատէն ու ժամանակէն եւ իրենց տիրապետող ներկայութեամբ շուք մը կը թողուն ամբողջ ժամանակաշրջանի մը վրայ:

Այդ մարդիկը, իրենց տեսիլքով, ստեղծագործ միտքով եւ առաջնորդութեան անստգիտ շնորհներով ճամբայ կը հարթեն բազմութեանց, կը կոփեն նկարագիրներ ու դիմագիծ կուտան հաւաքականութեանց:

Այս վերջին դասուն կը պատկանի Ալեք Մանուկեան, առանց որուն անուան յիշատակութեան, առանց անոր մեծագործութեանց անդրադառնալու կարելի չէ գրել վերջին մէկ դարու սփիւռքի պատմութիւնը, այնքան որ եզակիօրէն ան կ'անջատուի իր շրջապատէն՝ իր անհատականութեան ու միտքին դրոշմը կնքելով իր ժամանակին ու ժամանակակիցներուն վրայ:

Ամերիկայի պատմութեան մէջ աննկուն տիպար մը կայ որ կը կոչուի Հորէյջօ Ալժէր *Horatio Alger* որ կը խորհրդանշէ Ամերիկայի այն խոնարհ գաղթականը որ ամենէն համեստ պայմաններէն սկսելով կը կերտէ տնտեսական բարիքներու հզօր կայսրութիւն մը:

Անոնք որ կարդացած են *Horatio Alger*-ի կեանքին պատմութիւնը եւ բաղդատութեան կը դնեն Ալեք Մանուկեանի կեանքին հետ, պիտի հաստատեն թէ շատ աւելի արկածալից, շատ աւելի խիզախ եւ շատ աւելի իմաստութիւն, կորով, եւ առաջնորդութեան շնորհ պահանջող կեանք մը ունեցած է Մանուկեան:

Ան քսաներորդ դարը թեւակոխած է՝ իր ուսերուն շալկած իր ցեղին տառապանքն ու արիւնոտ պատմութիւնը, եւ ամէն քայլափոխին ան իր հետ տարած եւ յառաջացուցած է իր ընտանիքը, ինչպէս նաեւ իր ամբողջ ազգը:

Եւ երբ ան հասած է իր անձնական յաջողութեանց գագաթնակէտին, երբեք կանգ չէ առած այնտեղ. այլ գիտակից ու կազմակերպուած ճիգով մը իր հետ բարձրացուցած է ազգին զաւակները. ան երբեք չէ ցանկացած անձնական փառքի բարձունքներէն վար նայիլ իր ազգին. այլ ընդհակառակն, ջանացած է իր ազգն ու ազգակիցները առաջնորդել այն բարձունքին ուր ինք հասած է սեփական աշխատանքով ու զրկանքներով:

Հետեւաբար եթէ Ալեք Մանուկեան անցած ըլլար ամերիկեան պատմութեան՝ *Horatio Alger* ինք պիտի ուզէր հետեւիլ անոր օրինակին եւ վստահաբար շատ աւելի բան պիտի ունենար սորվելիք:

Մանուկեան երբեք չէ հանդիսացած կրատական կամ անտարբեր անձը. ան նետուած է ազգային եւ եկեղեցական հասարակական կեանքի մէջ եւ միշտ նուաճած է առաջնորդողի դիրք. եւ իր հետ բարձրացուցած է իր պատկանած իւրաքանչիւր կազմակերպութիւնը, ինք բարձրանալով ու տարածուելով միշտ անոր սահմաններէն ալ անդին:

Իր գործունէութեան ծիրը ընդհանրապէս ընդգրկած է Հայաստանեայց Եկեղեցին, Վարդանանց Ասպետներու Եղբայրակցութիւնը եւ մանաւանդ՝ Հայկական Բարեգործական Ընդհանուր Միութիւնը: Այս վերջինը մասնաւորաբար, խնամատարական համեստ դերէ մը բարձրացած է համագաղափարն ու իր արկածալից կազմակերպութեան մը պատկառելի դիրքին, ոչ միայն անոր դրամագլուխին անհամեստ ծաւալման պատճառաւ, այլ իր ծրագիրներու լայն ցանցով



եւ ազգային բազում կարիքներու հասնելու իր կարողութեամբ: Եւ այս իրականացումը հանդիսացած է առաւելաբար ձեռակերտը Ալեք Մանուկեանին: Մասնաւորաբար Ալեք Մանուկեանի կեանքը զարմանալի զուգահեռ մը ունեցած է Հ.Բ.Լ.Միութեան հիմնադիր Պողոս Նուպար Փաշայի հետ. արդարեւ, պատմական խորհրդաւոր զուգահիստեանց շարք մը երկուքին ճակատագիրները կը մօտեցնէ իրարու եւ հաւասար ուժգնութեամբ կ'անդրադառնայ նաեւ մեր ազգին ու Բարեգործականի ճակատագրին վրայ:

Այսպէս, Պողոս Նուպարի եւ Ալեք Մանուկեանի նախնիները սերած են Ակնէն եւ հաստատուած են Իզմիր. Պողոս Նուպար փաշա ամուսնացած է Պոլսոյ Տատեան ընտանիքէն Մարիի հետ, մանուկեան ամուսնացած է Պոլսոյ Թաթեան ընտանիքէն Մարիի հետ: Երկուքին ալ անձնական կեանքը փառաւորուած է մեքենական գիտերով. Պողոս Նուպար Փարիզի մէջ ստացած է ոսկի մետալ իր հնարած մէ երկրագործական գործիքին համար, իսկ Մանուկեան կեանքի անկիրանդարձային յաջողութիւն մը ունեցած է ծորակ մը հնարելով:

Երկու դէմքերը ամենէն երկար ժամանակի վրայ ծառայած են իբրեւ Բարեգործականի Նախագահ, Պողոս Նուպար՝ 1906-էն մինչեւ 1930, ամբողջ 24 տարի իսկ Ալեք Մանուկեան՝ 1953-էն մինչեւ 1989-ը, ամբողջ 36 տարի:

Երկու նախագահները ամենէն մեծ գումարները նուիրած են ազգին ու Բարեգործականին, եւ ինչ որ ամենէն շահեկանն է՝ երկուքն ալ գործօն մասնակցութիւն բերած են մեր ազգային քաղաքական կեանքին եւ չեն սահմանափակուած իրենց բարեգործութեանց մէջ:

Երկու նախագահներն ալ եղած են արտակարգօրէն հայրենասէր եւ լայն կերպով սատարած են Հայաստանի վերելքին ու կեանքին:

Ալեք Մանուկեանի կեանքին մէջ բազում դասեր կան ուսանելի. որքան անձնական կեանքի յաջողութեան, նոյնքան նաեւ ազգային իրագործումներու գծով:



Ան եղած է ինքնուս ճարտարագէտ մը որ իր հնարամտութեամբ միշտ հիացուցած է վկայեալ ճարտարագէտները, որոնք հաւատացած են թէ Մանուկեան տէր է վեցերորդ զգայարանքի մը որով ան կրնայ գիտնալ թէ մեքենականօրէն ի՞նչն է հնարարու եւ մանաւանդ՝ ինչն է որ կը ծախուի:

Բարեգործութիւնը, բարեսիրութիւնն ու ողորմածութիւնը մեր արանդութեանց եւ մեր ազգային նկարագրին մաս կազմող յատուկ առաքինութիւններ են:

Մանուկեան իր գործերով արժանաւոր շտապողը կը դառնայ մեր պատմութեան մէջ մեծագործութիւններով անմահացած մեր արքայական դէմքերուն:

Մատեան մըն է մարդու կեանքը. մանաւանդ Ալեք Մանուկեանի կեանքը, որ էջ առ էջ կը մատուցուի իր ազգին:

Հայրենիքով ու հայութեամբ ապրեցաւ ան ու դեռ մահուան անկողինին մէջ իր վերջին խօսքերն եղան՝ « Ուրախ եմ, ուրախ եմ որ Հայաստանէն մարդիկ պիտի գան ինձի հանդիպելու, ուրախ եմ, ուրախ եմ... » :

Հայրենիքով արբեցած՝ ուրախ բաժնուեցաւ աշխարհէն:



# ՆԱԽՆԱԿԱՆ ԶԵԿՈՅՑ ԲԱՐԵՐԱՐՈՒՀԻ ՍԱԹԵՆԻԿ ՉԱԳԸՐ ԿԱԼՈՒԱԾԻՆ, ՄԱՍՆԱԿԻ ՎԱՃԱՌՔԻՆ ՄԱՍԻՆ

Ներկայացրած Գահիրէի Հ.Բ.Ը.Մ.ի Տարեկան Ընդհանուր Ժողովին (20 Մարտ 1996) կայացած Հ.Մ.Ը.Մ. Նուպար Մարգարանին Մէջ

Ինչպէս ծանօթ է բարերարունի Սաթենիկ Չագըր, Զամալէքի թաղամասին մէջ իր սեփականութիւնը եղող վիլլան, որ կը գտնուի մօտ 4097 քառակուսի մէթր տարածութեան վրայ, նօսարական աքթով նուիրեց Միութեանս, Յուլիս 1976ին:

31 Յունուար 1993ին Միութեանս գումարած Բացառիկ Ընդհանուր Ժողովը, Միութեան վարչութեան իրաւասութիւն տուաւ վերոյիշեալ կալուածին մասնակի կամ ամբողջական վաճառքին համար: Միութեան վարչութիւնը հարկ եղած քայլերը առնելով յաջողեցաւ Գահիրէի կառավարչութեանէն կալուածի հողատարածքին բաժանումին համար 8-2-1994 թուականով արտօնագիր մը ստանալ:

Այդ արտօնագրով հողը բաժնուեցաւ երկու մասերու

Առաջինը՝ պարսպ հող, շուրջ 1750 մէթր քառակուսի (նշգրիտ 1748.50 մէթր քառակուսի)

Երկրորդը՝ մնացեալ հողատարածքը, որ իր մէջ կը պարփակէ վիլլան եւ առանձին մասնաշէնք մը, որուն վրայ օրինական տարակարծութիւն եւ դատ գոյութիւն ունին:

Հետեւաբար, որոշուեցաւ առաջին առթիւ վաճառել պարսպ հողը, զայն ցանկապատով մը բաժնել յետոյ մայր հողատարածքէն:

Հողը ցանկապատով բաժնելու աշխատանքները եւ աճուրդին օրինական պատրաստութիւնը տեւեցին մինչեւ 1995ի վերջը:

Պարսպ հողին աճուրդը տեղի ունեցաւ 14 Յունուար 1996-ին:

Պայմանատետր գնած էին 12 հետաքրքրուողներ որոնցմէ աճուրդին օրը ներկայացան միայն երեք գնորդներ: Միայն երեք գնորդի միջեւ կայացած աճուրդ մը չէր կրնար տաք մրցակցութիւն ստեղծել: Նոյնպէս, աճուրդին բոլոր մասնակցողներն ալ նշեցին, թէ Զամալէքի համար Գահիրէի կառավարչութիւնը 1993-էն ի վեր մասնաւոր հրամանագիր մը հրապարակած է, ըստ որուն այդ թաղին մէջ կարելի չէ վարչական «խտարի» կամ վաճառականական «թիկարի» այսինքն վաճառատուն ելն. նպատակներով շէնք բարձրացնել, այլ կարելի է շինել միայն բնակութեան շէնք:

Ասկէ զատ արգիլուած է որ կառուցելի որեւէ շէնքի բարձրութիւնը անցնի իր փողոցին մէկուքստորդ բարձրութիւնը, ինչ որ վաճառուած հողին վրայ կառուցելի շէնքին բարձրութիւնը կը սահմանափակէ 20 մէթրով, որ կ'ընէ շուրջ 6 յարկի բարձրութիւն:

Հակառակ այս բոլորին կարելի եղաւ հողը վաճառել մէթր քառակուսին 9650 Ե.Ռ.ի:

Պանք Միսրի եւ մասնագէտ գնահատիչին հետ վարչութեանս ստորագրած պայմանագրին մէջ նշուած էր, որ գնորդէն գանձելի աճուրդին միջնորդչէքին 5% տոկոսէն 4%ը պիտի վերադարձուի Միութեան եւ Պանք Միսրը եւ մասնագէտ գնահատիչը միասնաբար պիտի բաւականանան 1%ով:

Այս կարգադրութեամբ Միութիւնը իւրաքանչիւր ք. մէթրի վրայ գանձեց նաեւ 386 Ե.Ռ. յաւելեալ գումար մը, ինչ որ մէկ մէթր քառակուսիի վաճառքին իսկական գինը կը բարձրացնէ 10036 Ե.Ռ.ի:



Բնական է, որ եթե նկատի ունենանք վերևի յիշուած աճուրդի պայմանները, այս արդիւնքը յաջող կը նկատուի:

Աճուրդով վաճառքի նիստին աւարտին իսկ, ըստ աճուրդի պայմաններուն գանձուեցաւ վաճառքի գումարին 40%ը: Մնացեալ գումարը գանձելի է վաճառքին վերջնական պայմանագրութեան ստորագրութեան ժամանակ, որուն վերաբերեալ գործողութիւնները ընթացքի մէջ են:

Վերջնական պայմանագրութեան ստորագրութեան համար պայմանաժամը, ըստ համաձայնութեան՝ աճուրդի թուականէն չորս ամիս է \*մինչեւ 14-5-1995:

Ցարդ, աճուրդով վաճառքին վերջնական պայմանագրութիւնը ստորագրուած չըլլալով, ինչպէս նաեւ տակաւին գոյութիւն ունեցող բազմաթիւ առկախ հաշիւներ դեռ փակուած չըլլալով, առայժմ, կարելի է միայն վաճառքի արդիւնքէն զեղչելէ յետոյ աճուրդին բոլոր ծախսերը, ինչպէս նաեւ վիլլային վրայ 1982-էն մինչեւ հիմա ծախսուած գումարները, պիտի գոյանայ Սաթենիկ Ծանիկ Չագըր Հիմնադրամը, որ պիտի ունենայ երկու բաժիններ, մէկ երրորդ եւ երկու երրորդ համեմատութեամբ, որոնց եկամուտները պիտի ծախսուին նուիրատուութեամբ նախատեսուած եւ Ընկերային Գործոց նախարարութեան կողմէ վաւերացուած նպատակներուն:

1750մ x 9650 Ե.Ո.	16 887 500.- -
+ 4% տարբերութիւն	+ 675 500.- -
	<u>17 563 000.- -</u>
1748,50մ x 9650 Ե.Ո.	- 14 475.- -
16,873,025.- Ե.Ո. տարբ.	<u>17 548 525.- -</u>
Աճուրդի տուրք 5%	- 844 375.50
	<u>16 704 149.50</u>
Վաճառքի արձանագրութեան Տուրք 5% (մօտաւոր)	- 843 651.25
	<u>15 860 494.25</u>
Մինչեւ 1995-ի վերջ եղած ծախսեր	297 000.- -
	<u>15 563 494.25</u>
1996-ի ընթացքին ծախսեր (մօտաւոր)	- 100 000.- -
	<u>15 463 494.25</u>
Աճուրդի վերաբերեալ ծանուցումներու ծախսեր (մօտաւոր)	- 45 000.- -
	<u>15 418 494.25</u>

Վարչութիւնն ծրագրած է աճուրդի վերջնական հաշուեփակէն վերջ, մամուլով մանրամասն զեկոյց տալ աճուրդին արդիւնքին եւ Հ.Բ.Ը.Մ.ի Սաթենիկ Չագըր նուիրատուութեան մայր դրամագլուխ համարուելիք գումարին մասին:



## ԳԱՀԻՐԷԻ Հ.Բ.Ը.Մ.Ի ՆՊԱՏԱԿՆԵՐԸ

Ըստ Կազմական Կանոնագրի վերջնագոյն փոփոխութիւններուն վաւերացում Միութեան 31 Յունուար 1993-ի Բացառիկ Ընդհանուր Ժողովէն:

- Ա- Աշխատիլ տարբեր միջոցներով բարձրացնել հայ համայնքին զաւակներուն մտաւորական եւ մշակութային մակարդակը:
- Բ- Օգնել հայ համայնքին զաւակներուն որպէսզի շարունակեն իրենց ուսումնառութիւնը ուսումնական բոլոր հանգրուաններուն, վճարելով կրթական սակերը, գիրքերու փոխարժէքը ինչպէս նաեւ կրթական այլ ծախսերը:
- Գ- Նիւթապէս օգնել հայ անհատներու եւ ընտանիքներու, բարձրացնելու համար իրենց մակարդակը, ըստ Միութեան հիմնական կանոնագրին:
- Դ- Քաջալերել գիրքերու, երկերու եւ պրակներու հրատարակութիւնը, պատկան մարմիններու կարծիքը առնելէ յետոյ:
- Ե- Հրատարակել Միութեան պաշտօնաթերթ մը պարբերական դրութեամբ, որ անվճար բաժնուի Միութեան անդամներուն պատկան մարմիններուն կարծիքը առնելէ յետոյ:
- Զ- Վարժարաններու, մշակութային կամ մարզական կեդրոններու բացում, պետական պատկան մարմիններու կարծիքը առնելէ յետոյ:
- Է- Նիւթական յատկացումներ կատարել հետեւեալ հայկական հաստատութիւններուն:

- ա- Մասնաւոր վարժարաններ
  - բ- Մշակութային միութիւններ
  - գ- Մարզական ակումբներ
  - դ- Ընկերային եւ բարեսիրական հաստատութիւններ:
- Ըստ Միութեան ներքին կանոնագրին սահմանումներուն:



Փ  
Ո  
Ք  
Ր  
Թ  
Ի  
Ա  
Կ  
Ն  
Ե  
Ֆ  
Ն  
Ա  
Ե  
Ր  
Ա  
ՈՒ  
Ն

Չինական առածը կ'ըսէ թէ երբ բան մը լսեմ կրնայ ըլլալ մոռնամ, երբ տեսնեմ՝ կը յիշեմ, իսկ երբ շօշափեմ եւ գործածեմ, կը հասկնամ: Այս իմաստուն խօսքը լիովին կը բացատրէ Հելիոպոլսոյ փոքրիկներու եւ պատանհներու նորակառոյց թանգարանին շինութիւնը:

Այս թանգարանին գոյութիւնը կը պարտինք Եգիպտոսի նախագահին տիկնոջ՝ Տիկ. Մուզան Մուպարաքի, որուն տասը տարուան աշխատանքին եւ ճիգերուն շնորհիւ կարելի եղաւ երազային գաղափար մը իրականացնել եւ Եգիպտոսի նոր սերունդին արդիական եւ բարձրորակ թանգարան մը նուիրել:

Այցելուները տասնըփոխորկ խումբերով վարիչի մը առաջնորդութեամբ կ'անցնին սրահէ սրահ, կը ծանօթանան փարաունական քաղաքակրթութեան, կը ճամբորդեն Նեղոսն ի վեր, կը ճեղքեն Եգիպտոսի երեք անապատները եւ կը սուզուին Կարմիր Ծովուն յատակը: Այս շատ շահեկան ճամբորդութեան ընթացքին այնպիսի արդիական եւ գրաւիչ գիտարուեստ գործածուած է, որ փոքրիկներուն դիրամատոյշելի դարձուցած է շատ մը բարդ գիտելիքներ Եգիպտոսի բնութեան մասին:

Տիկ. Մուպարաքի նպատակն էր Եգիպտոսը ներկայացնել նոր սերունդին պարզ, յստակ եւ հետաքրքրական ձեւով: Ստեղծել վայր մը, ուր փոքրիկներն ու պատանհները կարենան դիտել, գործածել, փորձել, սորվիլ եւ երեսակայել: Առիթը տալ անոնց ընդլայնելու իրենց մտքի սահմանները, ըլլալու ստեղծագործ, արտադրող եւ աշխոյժ տարրեր ընկերութեան մէջ: Սորվեցնել անոնց գնահատել իրենց հայրենիքին բարիքները, հոգ տանիլ եւ գուրգուրալ անոնց վրայ: Մէկ խօսքով այս թանգարանը ըլլայ զարգացման եւ ուսման կեդրոն:

Թանգարանին յարակից կը գտնուի մեծ սրահ մը օժտուած՝ ամէն տեսակի գիրքերով, համակարգիչներով, ներկերով, թուղթով, կաւով, զմուռըւած թռչուններով եւ միջատներով, տեսակ-տեսակ հանքային քարերով, խղունջներով եւ այլն... ուր այցելուները բացարձակ ազատութիւն կը վայելեն գործածելու եւ օգտուելու այդ առարկաներէն:

Այս հոյակապ թանգարանը շրջապատուած է 13 ֆետտան հրաշալի պարտեզներով ուր փոխադրուած են հազուագիտ եւ թանկագին ծառեր եւ բոյսեր: Վիթխարի այս ծրագրին միլիոնաւոր ոսկիներու հասնող ծախսերը ամբողջովին հոգացած են տասնեակ մը եգիպտական ընկերութիւններ եւ դրամատուներ եւ Տիկ. Մուպարաքի հովանաւորութեամբ այս թանկագին նուէրը մատուցած են Եգիպտոսի փոքրիկներուն:

ՍՕՍԻ ՅԱԿՈՒԵԱՆ


Թանգարանը ամէն օր բաց է առաւօտեան ժամը 9-էն մինչեւ կէսօրէ ետք ժամը 1 , բացի Երկուշաբթի օրերէն: Մուտքի սակն է 10 Ե.Ո.:

Հասցէ: 34, Ապու Պաքր Էլ Սիտիք - Սաֆիլ եւ Մահքամա հրապարակներուն միջեւ Հելիոպոլիս. հեռաձայն: 2499915




ՀԱՅԱՍՏԱՆԷՆ ԵՐԿՈՒ ԱՐՈՒԵՍՏԱԳԷՏՆԵՐ  
ԿԸ ՄԱՍՆԱԿՑԻՆ ԳԱՀԻՐԷԻ ԽԵՑԵԳՈՐԾՈՒԹԵԱՆ  
(ՍԷՐԱՄԻՔ) ՀԱՄԱՇԽԱՐՀԱՅԻՆ ՅՐԴ "ՊԻԷՆՆԱԼԻ"ԻՆ:

Վահրամ Գալստեան



Յուլիս ամսուան ընթացքին, Գահիրէի մէջ կայացաւ խեցեգործութեան համաշխարհային Յրդ Պիէննալին, մասնակցութեամբ, 47 թեկնածուներու եւ 225 արուեստագէտներու: Հ.Բ.Ը.Մ.ի օժանդակութեամբ, սոյն պիէննալին Հայաստանը ներկայացուցին երկու արուեստագէտներ՝ Կարին Միրզոյեան եւ Վահրամ Գալստեան, որոնց ցուցադրած գործերը մեծապէս գնահատուեցան արուեստի քննադատներուն կողմէ:

Կարին Միրզոյեան





## ՀԱՄԱՀԱՅԿԱԿԱՆ ՈՒՍԱՆՈՂԱԿԱՆ ԱՌԱՋԻՆ ՎԵՀԱԺՈՂՈՎԸ ԵՐԵՒԱՆԻ ՄԷՋ

13-ին 18 Յուլիսին Երևանի մեջ տեղի ունեցաւ համահայկական ուսանողական առաջին վեհաժողովը՝ «Հայաստանը Համայն Հայութեան Հայրենիքն է» նշանաբանով:

Հայաստանի եւ Ղարաբաղի պատուիրակութիւններուն կողքին վեհաժողովին մասնակցեցան սփիւռքէն 12 տարբեր երկիրներէ ուսանողական պատուիրակութիւններ:



Համագումարին մասնակից ուսանողներ նկարուած Հ.Ը.ի նախագահ Լեւոն Տէր Պետրոսեանի հետ:

Սոյն վեհաժողովին Եգիպտոսէն իրենց մասնակցութիւնը բերին ուսանողներ՝ Լեւոն Տէր Յակոբեան եւ Էտուար Միլատ, որոնք ներկայ գտնուեցան վեհաժողովին նիստերուն եւ կազմակերպուած շրջապտույտներուն ծանօթանալով տարբեր գաղութներու ուսանողական պատուիրակութիւններուն գաղափարներուն եւ հայրենիքին պատմական ու տեսարժան վայրերուն:

Ուսանողական պատուիրակութիւնները առիթը ունեցան հանդիպելու Հ.Ը. նախագահ Լեւոն Տէր Պետրոսեանի, վարչապետ Հրանդ Բագրատեանի եւ Ն.Ս.Օ.Տ.Տ. Գարեգին Ա. Ամենայն Հայոց Հայրապետին:

Վեհաժողովին 11 նիստերէն ետք որդեգրուեցաւ համագումարին բանաձեւը:



Ամառնային ճամբարին մասնակցող երիտասարդներէն խումբ մը Սեւանայ լիճի ափին:

Յուլիս 19-էն սկսեալ Գանատայի Հայոց Ա. գ. գ. Առաջնորդարանին կազմակերպութեամբ, Հայաստանի Ծաղկաձորի շրջանին մէջ 4 շաբթուայ ծրագրով երիտասարդական ամառնային ճամբարին, Գահիրէի Հ.Բ.Ը.Մ.ի միջոցներով իրենց մասնակցութիւնը բերին եգիպտահայ հինգ երիտասարդ երիտասարդուհիներ, Գահիրէէն՝ Լեւոն Տէր Յակոբեան, Էտուար Միլատ եւ Սերժ Լուսարարեան: Իսկ, Ադեքսանդրիայէն՝ Ալին Ազնաւորեան եւ Նայրի Իսրայէլեան:

Անոնք միացան Գանատայէն եկած քսան երիտասարդ-երիտասարդուհիներու, ինչպէս նաեւ հայրենիքէն 10 այլ երիտասարդներու: Ծաբթական հնգօրեայ աշխատանքային ծրագրէն զատ, անոնք շաբթավերջերուն առիթ ունեցան այցելելու հայրենիքի տեսարժան վայրերը: Այս այցելութեան ընթացքին մեր երիտասարդները առիթը ունեցան իրենց գիտելիքները զարգացնելու եւ մօտէն ծանօթանալու հայրենիքի ժողովուրդին ու անոր առօրեային:



ՀԱՅԱՍՏԱՆԻ  
ՖԻԼՀԱՐՄՈՆԻԱՅԻՆ  
ԳՏԱԾ ՄԵԾ  
ՅԱԶՈՂՈՒԹԻՒՆԸ  
Ա.Մ.Ն.Ի  
ԵՒ ԳԱՆԱՏԱՅԻ  
ՄԷԶ



Հ.Բ.Ը.Մ. 90-ամեակի տոնակատարություններում առիթով Մայիս 31-ին 10 Ա.Մ.Ն.Ի եւ Գանատայի մէջ ելոյթներ ունենալու նպատակով հրաւիրուած էր Հայաստանի Ֆիլհարմոնիան ղեկավարութեամբ Լորիս Ճգնաւորեանի:

Նուագախումբը ելոյթներ ունեցաւ Փասատինայի, Թօրօնթոյի, Տիթրոյի եւ Նիւ Եորքի մէջ: Առաջին ելոյթէն իսկ նուագախումբը գտաւ աննախընթաց յաջողութիւն ոչ միայն ամերիկահայ կամ գանատահայ հասարակութեան՝ այլ ԱՄՆի եւ Գանատայի երաժշտասէրներու եւ քննադատներու կողմէ որոնք խորապէս սպասուած նուագախումբէն՝ զայն դասաւորեցին աշխարհի ամենալաւ նուագախումբերուն շարքին:



**ԱՂԵՔՍԱՆԴՐԻՍ**

Յունիս 9-ին, Աղեքսանդրիոյ Պողօսեան Ազգ. Վարժարանի Մելքոնեան հանդիսասրահին մէջ, Աղեքսանդրիոյ Հ.Բ.Ը.Մ.ի կազմակերպութեամբ տեղի ունեցաւ անդամահամակրական հանդիպում, ուր Գահիրէի Հ.Բ.Ը.Մ.ի վարչութեանէն պատուիրակութիւն մը տեղեկութիւններ տուաւ Սաթենիկ Ծ. Զագըրի նուիրատուութեան մասին, որմէ ետք ներկաները դիտեցին Գանատայի Հայոց Առաջնորդարանին կողմէ պատրաստուած վիտէօ-ժապաւէն մը, որ կը ներկայացնէր 1993-ին Հայաստանի մէջ կազմակերպուած երիտասարդական ճամբարին մասին հետաքրքրական տուեալներ:

**ԳԱՀԻՐԷ**

Յունիս եւ Յուլիս ամիսներու ընթացքին, Գահիրէի Հ.Մ.Ը.Մ. ՆՈՒՊԱՐԻ հաւաքավայրին մէջ տեղի ունեցան երկու հանդիպումներ Գահիրէի Հ.Բ.Ը.Մ.ի երիտասարդ անդամներուն հետ, որոնց ընթացքին

բացատրութիւն տրուեցաւ բարերարուհի Սաթենիկ Ծ. Զագըրի նուիրատուութեան մասին եւ թէ ինչ պայմաններու տակ կարելի է օգտագործլ անոր եկամուտները:

Ներկայ երիտասարդները, գաղութին իրավիճակը նկատի առնելով՝ իրապաշտ առաջարկներ ներկայացուցին, որոնց նպատակն է եգիպտահայ գաղութին մշակութային, կրթական եւ ընկերային ընդհանուր մակարդակը բարձրացնել:



## ԳԱՀԻՐԷԻ Հ.Մ.Ը.Մ. ՆՈՒՊԱՐԻ ՊԱՍՔԷԹՊՈԼԻ ՏՂՈՑ ԽՈՒՄԲԸ ՍՈՒՐԻՈՅ ՄԷՋ

Հալեպի Հ.Ե.Ը.ի մարզական յանձնախումբը, մեկ շաբաթով Սուրիա հրաւիրած էր Գահիրեի Հ.Մ.Ը.Մ.ՆՈՒՊԱՐԻ պասքեթպոլի սղոց խումբը բարեկամական մրցումներու շարք մը խաղալու Հ.Ե.Ը.ի Հալեպի եւ Դամասկոսի պասքեթպոլի քոչր խումբերուն հետ:

Կիրակի 1 Սեպտեմբեր 1996-ի երեկոյեան ժամը 8:00-ին Հ.Մ.Ը.Մ. ՆՈՒՊԱՐԻ պասքեթպոլի սղոց խումբը իր մարզիչով ու ղեկավարներով մեկնեցաւ Հալեպ:

Այնտեղ, իրենց դիմաւորեցին Հալեպի Հ.Ե.Ը.ի մարզական յանձնախումբի ատենապետ պր. Հրայր Մուրատեանը՝ խումբ մը վարչական անդամներու հետ:

Բարի գալուստի ջերմ արտայայտութիւններէ ետք խումբը առաջնորդուեցաւ Հ.Բ.Ը.Մ.ի սրահը, որուն պարտէզին մէջ ընթրիքով մը հիւրասիրուեցաւ: Ընթրիքի ընթացքին տեղի ունեցաւ փոխ ծանօթացում Գահիրեի եւ Հալեպի ղեկավարներուն ու մարզիկներուն միջեւ, ապա խումբը առաջնորդուեցաւ ՊԱՐՈՆ պանդոկը: Յաջորդ օրը երեկոյեան ժամը 7:00ին Ալ-Ասատ մարզահամալիրէն ներս, Հ.Մ.Ը.Մ. ՆՈՒՊԱՐԻ խումբը իր առաջին մրցումը խաղաց Հ.Ե.Ը. - ԱԼԸՐՈՒՊԱ պասքեթպոլի առաջին խումբին դէմ եւ մրցումը կորսնցուց մեծ տարբերութեամբ:

Երեքշաբթի, 3 Սեպտեմբերի առաւօտեան, խումբը ուղևորուեցաւ Քեսապ, ուր դիմաւորուեցաւ Հալեպի Հ.Ե.Ը.ի ղեկավարներէն՝ Հայկ Բիզանդեանի կողմէ եւ առաջնորդուեցաւ ԱՐՄԵՆԻԱ պանդոկը:

Հ.Մ.Ը.Մ. ՆՈՒՊԱՐԻ պասքեթպոլի խումբին երիտասարդները երկու օր վայելեցին այս հայաբնակ գիւղին սքանչելի բնութիւնը, անտառները, «Հրաչ», «Վարդան», «Ուրախ լեր» ճաշարաններու համադամ ճաշերը, լողացին Լաթաքիոյ ծովուն մէջ ապա, կազդուրուած՝ թարմացած ուժերով վերադարձան Հալեպ, նոյն օրը անգամ մը եւս խաղալու Հ.Ե.Ը.-ԱԼԸՐՈՒՊԱ առաջին խումբին դէմ, այս անգամ պարտուելով շատ փոքր տարբերութեամբ:

Խումբը, իր յաջորդ մրցումը խաղաց ընդդէմ Հ.Ե.Ը.-ԱԼԸՐՈՒՊԱ,ի երկրորդ կարգի խումբին եւ այս մրցումը ասարտեցաւ Հ.Մ.Ը.Մ. ՆՈՒՊԱՐԻ յաղթանակով:

Ուրբաթ առաւօտ, խումբը մեկնեցաւ Դամասկոս, ուր դիմաւորուեցաւ Դամասկոսի Հ.Ե.Ը.ի Գործադիր Մարմնի ատենապետ պր. Թագուր Պոյանեանի, մարզական յանձնախումբի ատենապետ պր. Սարգիս Միսիրեանի եւ խումբ մը վարչական անդամներու կողմէ եւ առաջնորդուեցաւ ՄԱՏԻՆԷԹ ԱԼԸԱՊԱՊ մարզահամալիրի պանդոկը:



Հ.Մ.Ը.Մ.ՆՈՒՊԱՐԻ խումբը Դամասկոսի "ՄԱՏԻՆԷԹ ԱԼ ԸԱՊԱՊ" մարզահամալիրի դաշտին վրայ



Խումբը ճաշել է և հանգստանալ է ետք, երեկոյեան ժամը 7:00-ին նույն մարզահամալիրի դաշտին վրայ խաղաց Դամասկոսի Հ.Ե.Ը.Ի տղոց առաջին խումբին դեմ և շահեցավ 15 կետ տարբերությամբ:

Երեկոյեան ժամը 9:00-ին Դամասկոսի Հ.Ե.Ը.Ի Գործադիր Մարմինը խումբը հիրասիրեց ընթրիքով մը Հ.Բ.Ը.Մ.ի Սահակեան Վարժարանի սրահէն ներս: Ընթրիքի ընթացքին առիթը ստեղծուեցաւ ղեկավարներուն խորհրդակցելու ապագայի

ծրագիրներու շուրջ, որոնցմէ հիմնականն է, մարզական խաղերու միջոցաւ, կապերը ամրապնդել տարբեր գաղութներու երիտասարդներուն միջեւ:

Ընթրիքէն ետք, Հ.Մ.Ը.Մ. ՆՈՒՊԱՐԻ վարչականներէն Տոբթ. Կարօ Աբգարեան, Հ.Ե.Ը.Ի Գործադիր Մարմնի ատենապետ պր. Թագուր Պոյանեանին յանձնեց Հ.Մ.Ը.Մ. ՆՈՒՊԱՐԻ վահանակը որպէս յուշանուէր Հ.Մ.Ը.Մ.ի ՆՈՒՊԱՐԻ պասքէթպոլի խումբին կողմէ, մաղթելով որ այս հանդիպումը ըլլայ հիմնաքարը աւելի



Պասքէթպոլի խումբը Հալէպի երիտասարդներուն հետ

հաստատուն և յարատեւ կապի երկու գաղութներուն միջեւ:

Յաջորդ օրը, յետմիջօրէին խումբը վերադարձաւ Հալէպ:

Երեկոյեան ժամը 9:00-ին խումբը ընթրիքով մը հիրասիրուեցաւ Ա.Լ.ԸՐՈՒՊԱ մարզակումբին լողաւազանին շուրջ, ուր հաւաքուած էին Հալէպի Հ.Ե.Ը.-ի վարչական անդամներն ու մարզիկները, հրաժեշտ առնելու Հ.Մ.Ը.Մ. ՆՈՒՊԱՐԻ խումբէն:



Հալէպ "Ալըրուպա" աւազանի շուրջ

Խումբին պատասխանատուներէն պր. Յակոբ Աբիկեան նույնպէս որպէս յուշանուէր, Հալէպի մարզական յանձնախումբի ատենապետ պր. Հրայր Մուրատեանին յանձնեց Հ.Մ.Ը.Մ. ՆՈՒՊԱՐԻ վահանակը, շնորհակալական խօսքեր ուղղելով Հալէպի բոլոր ղեկավարներուն և կազմակերպիչներուն որոնք յաջողցուցին այս շրջապտոյտը:

Կիրակի 8 Սեպտեմբեր 1996-ին խումբը վերադարձաւ Գահիրէ:

Ս.Ա.



# ԱՆԴԱՄԱԳՐԱԿԱՆ



## ԱՄՈՒՍՆՈՒԹԻՒՆ

Օր. Մարալ Տեովլեթեան ամուսնացած Ա.Մ.Ն.Էն Պր. Վահան Ոսկեանի (նախկին եգիպտահայ) հետ, Կիրակի 4 Օգոստոս 1996-ին Գահիրեի Ս. Գրիգոր Լուսաւորիչ եկեղեցիին մէջ:  
 Օր. Մարալ Տեովլեթեան ժրջան գործունէութիւն ունէր գաղութիս մէջ:  
 Ան Միութեանս կ'անդամակցէր 1975-էն սկսեալ:

Տեղեկատուի խմբագրութիւնը կը շնորհաւորէ նորապսակ ամուլը:



## ՄԱՀԱԳՐՈՒԹԻՒՆ

ԱՐԹՕ ՊԼԸՔՏԱՆԵԱՆ մահացած 11 Յունիս 1996-ին:  
 Ազգային յուղարկաւորութիւն տեղի ունեցաւ Գահիրեի Ս. Գրիգոր Լուսաւորիչ եկեղեցիին մէջ:  
 Հանգուցեալը մաս կազմած է Հ.Բ.Ը.Մ.ի Եգիպտոսի Շրջանակային Յանձնաժողովին:  
 Երկար տարիներ անդամակցած է Գահիրեի Թեմական Ժողովին:  
 Ատենապետ եղած է Գահիրեի Քաղաքական եւ Թեմական ժողովներուն:  
 Ան Միութեանս կ'անդամակցէր 1934-էն սկսեալ:

ԱՐՏԱԾ ՎԱՐԴՈՒԿԵԱՆ մահացած 23 Յուլիս 1996-ին:  
 Հանգուցեալը հին եւ հաւատաւոր անդամ մըն էր Հ.Բ.Ը.Մ.ի որուն կ'անդամակցէր 1934էն սկսեալ:

ՄԷՆՈՒԱԾ ԽՈՐԱՍԱՆՃԵԱՆ մահացած 2 Սեպտեմբեր 1996-ին:  
 Հանգուցեալը եղած է բազմամիայ անդամ եւ շրջան մը վարչական Հելիոպոլսոյ Հ.Մ.Ը.Մ. ՆՈՒՊԱՐ մարզարանին:  
 Ան Միութեանս կ'անդամակցէր 1981-էն սկսեալ:

ԵԴՈՒԱՐԴ ԶԱՐԴԱՐԵԱՆ մահացած Աթենքի մէջ 2 Հոկտեմբեր 1996-ին:  
 Ազգային յուղարկաւորութիւն տեղի ունեցաւ Գահիրեի Ս. Գրիգոր Լուսաւորիչ եկեղեցիին մէջ Կիրակի 6 Հոկտեմբերին:  
 Ան փոխ ատենապետն էր Գահիրեի Թեմական Ժողովին եւ ատենապետը Հայ Գեղարուեստասիրաց Միութեան: Ան Միութեանս կ'անդամակցէր 1978-էն սկսեալ:

Տեղեկատուի խմբագրութիւնը իր ցաւակցութիւնները կը յայտնէ, մեզմէ առյաւէտ բաժնուած այս անդամներուն հարազատներուն եւ ընտանեկան բոլոր պարագաներուն:

